

مِثاقِ اَقْبَامِ

۱۳۲۶

درسمادنده باب عالی جاده سنده
اداره مخصوصه
محل اداره :

مستکرمه موافق آثار جدیده مع المنونیه
قبول اولنور
درج ابدلین آثار اعاده اولنور

دین، فلسفه، ادبیات، حقوق و علوم دین باحث هفته لاق رساله در

مؤسسه : ابوالعلا زین العابدین - ح . اشرف ادیب

سنه لکی	التی آیفی	درسه دنده
۶۰	۳۰	ولا پاتده
۸۰	۴۰	مملک اجنبیه
۸۰	۴۰	

تاریخ تاسیسی :
۱۱ خوز ۳۲۴

درسمادنده نسخه سی ۵۰ پاره در

قبرله دن مقوا بورو ایله کوندربیرسه سنوی
۲۰ خروش فضله آلنیر

درسمادنده پوسته ایله کوندربیرسه ولایات بدلی اخذ اولنوره

عدد : ۲۹

۱۸ صفر ۳۲۷ پنجشنبه ۲۶ شباط ۳۲۴

ایکنجی جلد

جماعتك تفهمندن بشقه برحکمتی وازمی؟ حکمتینه بوايه هر قومك اکلايه جنی لسان ايله خطابت ايمهك دکل جائز ، حتی اولی اولدینی تحقق ایدر . گرچه امام اعظم حضرتلرندن خطبهك السنه سائر ايله قرائته دائر جوازندن بشقه بر تعبير مسموع وهضبوط دکل ایسهده جواز ايله امکان عام معناسی دخی مراد اولنه بینه جکندن احتمالکه مشارالیه حضرتلری بوجواز ايله خطبهك السنه سائر ايله اولماسندهکی ضرورتک سلبی اراده بیورمشلردر .

بوتقطهدها زیاده محتاج ایضاحدر : معلومدرکه امکان ایکی نوعدر : بری امکان خاص ، دیکری امکان عامدر . امکان خاص ؛ وارلق ايله یوقلق جهتلرندن ضرورتی سلب ایتمکدرکه تسویه طرفین دیمکدر . (انسان) کی . انسانک وجودی ضروری اولدینی کی عدمی ده ضروری دکلدر . چونکه : وجودی ضروری اولسهیدی مؤبد اولسی ، عدمی ضروری اولسهیدی هیچ موجود اولماسی لازم کلیردی . امکان عام ایسه ایکی طرفک یعنی وارلق ايله یوقلقک یالکز برندن ضرورتی سلب ایتمکدر . بوده ایکی قسمدر : اگر عدم جهتلدن ضرورت منسلب ایسه بوکا (وجود ايله مقید امکان عام) دیرلر . بوجودک واجبهده ، ممکنهده شمولی وار . وجود جهتلدن ضرورت سلب اولنیورسه ؛ بوکده (عدم ايله مقید امکان عام) دیرکه ، بوعدمک دخی واجب و ممکنه شمولی اولور . امکان ذکر اولدینی زمان هانکی قسمک مراد اولدینی بهضاً تصریح ، بهضاده عقل وقرینه حواله ایدیلر . جوازده بویلهدر . امکان خاص یعنی تسویه طرفین معناسه استعمال اولدینی کی ، امکان عام معناسنده استعمال اولنور . اوزمان یالکز برطرفدن ضرورتک سلب اولدینی افاده ایدر . محاکمسی صدنده بولنیغمز جواز-که عندالامام السنه سائر ايله خطابتک جوازیدر - احتمال امکان خاص معناسه اولایوب (وجود ايله مقید امکان عام) معناسهدر . بوتقدیرده جوازک مفادی ؛ السنه سائر ايله خطابت ایتمک ایچون بر ضرورت یوقدر ، السنه سائر ايله خطابت ایدیلر واجبانده بوخطابت اولی در دیمک اولور .

بیانات مسرودهدن مقصد عاجزانم ، هر قومه کندی لسانلریله خطابت ایتکی اولی کوسترمک وانک ایچون قطعی بر حکم ویرمک دکلدر . خطبهیه عائد بعض فرائض ايله واجباتک بونک اولویتی ایجاب ایده چکنه وامام اعظم حضرتلرینک جوازه عائد اولان سوزینک بوصورتله قابل توجیه اوله جفته دائر بیان مطالعه ایتمکدر . بین الفقها شایان اعتماد کورلمه مکله برابر امامین حضرتلرکده بوخصوصهکی حکملری السنه سائر ايله خطابتی تجویز ایتمکدر . باقیکنز ! امامین حضرتائی نه صورتله حکم ویریورلر : (خطب افندی لسان عربله خطابت ایتمکدن عاجز ایسه السنه سائر ايله خطابت ایتمی جائزدر) بوعجزدن مقصدلری خطبهك قرائتندن عجز دکلدر . چونکه السنه سائر ايله قرائت ایده بیلن کیمسه ؛ از چوق عربجهده قرائت ایده بیلر . بوصورتده عجز تحقق ایتمز . بلکه مقصدلری نفس خطابتدن عجز

نه وار وهی دکلسم ؛ بنده البت ناظمم آز چوق ..
اگر شاعرک ایسترسهك نه وهیدن ، نه بندن یوق !
حقیقت سویله مک لازمسه وهینک کتابنده
فنون انکار ایدلشددر قوافی پیچ وتابنده !

صدندن غالباً آیرلشم .. سوز نهیدی اخطار ایت ،
طالارسهم نوردیدم ، بویله بعضاً طورمه بیدار ایت .
اوصاندک سنده کرچک حکمتمدن ، حسیحالمندن ؛
بش اون سوز قالدی لکن دیکله نظم بی مالدن ؛
دیورلر : «اعتراف جهل ایکن تحصیلک انجاسی ،
نهدر بیوده اتعاب ایلهمک شهبال اقدامی ؟»
اوت ، لکن واروب سرحد معلوماته برانسان
اوغایتندن دیمک لازمکه یوق عرفان ایچون امکان !
حقیقی اعتراف آلتنده پارلار ظلی عرفانک ؛
بودر انسانلغک معناسی ، اک صوک ذوقی وجدانک .

۷ ایلول سنه ۲۲۱ محمد عاکف

مباحثات :

خطبهلر

صراط مستقیمک یکریمی یدنجی نسخهسنده مندرج «خطبهلره دائر مباحثات» سرلوحهلی مقاله مندرجاتی مقارن حقیقت اولغاه صاحبنه بیان تشکرله برابر ؛ بوخصوصه عاجزلری طرفندنده بعض ایضاحات علاوه مطالعات ایدیله چکدر .

شویلهکه : خطبهده حضور جماعت ايله جهراً قرائتده شرطدر . خطیب افندی خانهسنده ، یاخود جماعت بولنادینی زمانده جامعده اجرای خطابت ایتسه صحیح اولدینی کی ، منبر خطابتنده کیمسهیه ایشدیرمیه چک صورتده خفی اوقویه جق اولورسه ینه صحیح اولماز . حضور جماعت ايله جهراً قرائتک شرط اولسی ؛ بیهامکه انهام مرآمدن بشقه نه حکمه مبتنی اوله بیلر ؛ حکمت بوايه ولو عربی اولسون جماعتک اکلايه مایه جنی برلسان ايله خطابت . ایشتمیه چکری برطرزده خطابت قدر تاثیرسز وغیر مفید اوله جفته شبهه ایدلر .

شوقدر وارکه خطبهك رکنی مجرد ذکر الهی اولدیغندن بهمه حال ثنای الهی بی مشتمل بولنه جفته ؛ ذکر ، تسبیح ، تحمیده دائر الفاظ ایسه بین الاسلام متعارف اولدینی ایچون بوالفاظی اولسون جماعتک اکلايه جقلرینه نظراً برنجیسی - یعنی لسان عربی بی بیلیمین جماعت ایره سنده عربجه خطابت - فرضی اسقاط ایدر ، بشقه بر تاثیر اوله ماز . ایکنجیسی - یعنی خفیاً قرائت - ایسه فرضی ده اسقاط ایده مز . فتاوی ظهیریهده بیان اولدیغنه کوره خطیب افندی ظلمهك مدح وثنالرندن بشقه حمد و ثنا ووقوعات حادثیه کوره اجرای مواظ صدنده ایکن جماعتک خطبهی استماعلری واجبدر . بیهام بوجویکده

بر صورتی تشخص و تصور آید ترك سوكر الری خیالخانه سنده قالان او نقوشه
ظاهره بر شکل و یرمك استدی . بر طاقم تماثل واصنام میدانه
کثیره رك معبدلری ، هیکلری بونلره طولیدردی . کندیسنی بونلره
هدیهلر عرض ایتك ، قربانلر كسمك ، شرفلرینه شنلكار ، جمعیتلر
یا بمق کبی تکالیف ایله مكلف طوتدی . کیده کیده ادراك و تصویری
ایرله ده که معبود مخیلده ترقی ایتکه باشلا یهرق نهایت آلهلر اسکی
رومالیلرک ، اسکی یونانیلرک میدانه کثیرمش اولدقلری طرزده
برطور جمیل ایله ، برصنعت دقیق ایله تجسیم اولندی . بر دور خیال ،
بر دور تعقل اولان بودورده جناب حق انسانلری کندی آرزولریله
قوشولمش اولدقلری ضلال بویوندوروغندن قورتارمق ایچون لوت
ظنون و خرافاتدن عاری بر دین خالص ایله صورت متوالیده انبیای
گرام کونده ریدی . لکن بونلردن آنحق قلبلری نور رشادی قبوله
مستعد اولانلری هدیاتیاب اولدیلرکه بوسعادتمندان بشرده حالت
طفولیتده کی امتلرده نسبتله پک آزدرد .

انسان هر زمان ، هر یرده دیاتنه ، معتقداتنه قارشی شدت شوق
واعتماد ایله طامشدر . دینی ، اولومی حقیر کورن بر قهرمان کبی
مدافعه ایدر ؛ اونک انتقامی ، ناموسنه طوقونلمش ، بر مظلوم
صولتیه آیر ؛ اعتقادینی تصحیحه چالیشانلره ایراث ضرردن اصلا
کری طورماز . حتی بو اوغورده بیکلرجه پیغمبرلر ، بیکلرجه حکیملر
هلاک ایدلمش ؛ همده بیچاره لرك بو صورتله محوی اباطیه قارشی دین
حقه نصرت اولمق اوزره تلتی اولمشدر ا

ایشته اره لرنده کی عقلایه رعماً انسانلر هپ بوموال اوزره دوام
ایتدیلر . نهایت جناب حق طرفدن بشری ، بونوع ضعیفی ایقاپ
ایچون ابداع اولنان عوامل و مؤثرات سایه سنده آرتق فیانی قلوبده
ینابیع حکمت فوران ایتکه باشلادی ، بشرک احتساستاتی رقت پیدا
ایلدی . صنبرستك ادراکاته کران کلیر اولدی . بونک بر محصول
خیال ، برثمره ضلال اولدینی تحقق ایتدی . بتون کائنات ایچون یکانه
برخالق تصور اولنهرق اوکا قوای مدرکه نك مساعده سی دائره سنده
اوصاف و خصائص اسناد ایدلدی . [*]

دینک بوترقی تدریجیسی کالیله هند برهنلرنده حتی بر عائله
افرادنده بیله مشاهده اولنه بیلور . ماقس موللر کتابنده برهنلرک
حریت اعتقاد خصوصنده واصل اولدقلری مرتبه نی سویلرکن
دیورکه : « بونلر هرکمی کندی حالنه بر اقیلر ، او ، عقلیله کیمی
معبود اتخادینه لایق کوریر ایسه اوکا عبادت ایدر . حتی بعضاً عائله
رئیس بولنان بر پیر توجید و تنزیه بارینک غایه سنه وارمشکن یانی
باشنده کی اوغلنک اصنامه قربان کسیدیکی . دهالوته ده او براوغلنک مختلف
برطاقم الهلرک مناقبنی مصور اشعار ترنم ایتدیکی کوریلور . هم او
اختیار بوخالدن هیچ متأثر اولماز ؛ وارسونلر عقیده خالص توحیدی
[*] بز بوراده بتون بشرینی مراد ایتبورز . اک مترق ملتلری تصد
ایدیورز . چونکه هر عصرده بتون ترقیت انسانینی نفسنده تمثیل ایدن بر
قرم موجوددر .

دیمکدر . بر قاجی مستثنا اولدقلن صکره موجود خطانک هانکیسی
لسان عربله خطابت ایتدارینی جائزدر ؛ هانکی سنده اوسلیقه ، اوملکه
وارددر ؛ بومعناجه هینسی عاجز وهیسنه کندی لسانلریله خطابت جائزدر .
فرض ایدمکه امامین حضراتنک « عجز » دن مقصدلری قرائندن عجز
اولسون . خطبای حاضره نك بعضلری عربجه یه هیچ ملکه سی
اولمادیغندن نفس خطبه نی یعنی ذکراللهی افساد ایتبورلر سده چوق
کره بیوک چاملر دویررجه سنه یا ککشلر تکرله بورلر .

موسیقی یه تعلق ایدن تغیلرک ، قرارلرک یرلی یرینه کلسندن
بشقه برجهتی نظر مطالعه یه آما یورلر و آلمق ایتدارینی جائز دکلرددر .
برمثال عرض ایدیم : (ای ناس بیلکیزکه بوآی محرم آیی در)
معناسنه اولان (ایها الناس اعلموا ان شهرکم هذا شهرالله المحرم الحرام)
عباره سنی اوقورکن بویوک بر نکته ، دهشتلی برسیاست ، عظمتلی بر
راه رشادت عرض ایدیلورمن کبی طورلر عرض اولنیور . فقط
(المحرم) کله سنی کسر ایله لفظه اللهه صفت اولمق صورتیه اوقویهرق
بیوک بر چام دوریلور . بوخاللر خطبه نك قرائندن عجز دیمکدر .
ارتق بویکیلر ایچون امامین حضراتی نزدلرنده دخی کندی لسانلریله
قراات ایتلری تجویز اولنه جنی قطعاً شبهه کورورمن صانیرم .

اسکوب بلده رئیس سابقی

محمد فرید

حدیث فکریه

دور تانی

دور فلسفه

یوقاریکی فصلده اثبات ایتش ایدک که بشر دور اولده ایمان ایله
مفطور اولدیغندن شکوک و شبهاتک اصلا محکومی دکلدی . ذاتاً انسان
نصل اولورده کندی ذاتنده حس ایلیکی برشینه قارشی شبهه دوشر ؛
باخصوص که بو حس ایچون کندنده برده سائق فطری وارددر ؛ لکن
وقتا که خصیصه تعقل و تفکر انسانی میدان طبیعتی جولان ایدرک
اونک ماهیتی حقنده ، کندیسنک موهوب اولدینی قوه تمیزه نسبتنده ،
حکملر و یرمکه سوق ایتدی ؛ هرشیدن اول کندی عبودیت و خضوعنک
موضوعنی آراشدیرمه یه قالدیشهرق ایشی بوکائنات حریت افزاده
متصرف مطلق اولان ذات کبریانی ادراکه چالیشمق درجه لرینه قدر
واردیددی . ظواهر اشیا یه قایلوب بواطنه سوق فکر ایدمه مین ،
آرایش اعراض ایله اویالانوب جوهره نفوذ ایلیه مین چوجقلرک
جولانتی اکدیرر بر جولان ایله بومبحث عظیمده طولاشمایه
باشلادی . حالبوکه طاغلرده ، مغاره لرده یشایان بر عقل بسیط صاحبنک
ادراکی نه قدر اوله بیلیر ؟

طبیعی معبودینی کندی حواسنک ، کندی خصائصنک اقتضا ایلیکی